



SURUHANJAYA PILIHAN RAYA MALAYSIA
KENYATAAN MEDIA
BIL. 5/2026

**MENJELANG PROSES PENGUNDIAN PILIHAN RAYA
KECIL (PRK) PARLIMEN P.187 KINABATANGAN DAN
PRK DEWAN UNDANGAN N.58 LAMAG, SABAH**

1. Suruhanjaya Pilihan Raya Malaysia (SPR) telah menjalankan proses semakan peralatan mengundi seperti peti undi, dakwat pilihan raya, kertas undi, petak undi dan sebagainya bagi kegunaan Hari Mengundi dalam PRK Parlimen P.187 Kinabatangan dan PRK Dewan Undangan N.58 Lamag, Sabah yang diadakan pada **24 Januari 2026 (Sabtu)**.
2. Seramai **1,106 orang petugas** akan mengendalikan proses pengundian ini nanti. Sebanyak **36 buah pusat mengundi biasa** yang mengandungi **117 tempat mengundi/saluran** digunakan bagi PRK Parlimen P.187 Kinabatangan dan PRK Dewan Undangan N.58 Lamag, Sabah ini.
3. Dalam PRK ini, seramai **48,282 orang pengundi biasa** bakal mengundi dalam PRK Parlimen P.187 Kinabatangan dan PRK Dewan Undangan N.58 Lamag, Sabah. SPR berharap semua pengundi menjalankan tanggungjawab mereka dengan keluar mengundi.
4. SPR juga ingin memaklumkan sebanyak **dua (2) pusat mengundi akan ditutup pada jam 12.00 tengah hari**. Manakala **34 pusat mengundi** bagi PRK ini pula akan ditutup secara berperingkat mulai jam 1.00 tengah hari sehingga jam 5.30 petang mengikut

masa mengundi yang telah ditetapkan.

5. Di samping itu, **penandaan dakwat kekal pada PRK ini akan dibuat pada jari kelingking tangan kiri pengundi yang hadir mengundi nanti.**

MASA KELUAR MENGUNDI

6. Pengundi dinasihatkan untuk tidak keluar mengundi pada saat-saat akhir dan digalakkan supaya keluar mengundi mengikut **Masa Keluar Mengundi Yang Digalakkan** seperti mana yang tercatat dalam **aplikasi MySPR Semak**. Walau bagaimanapun, pengundi masih boleh keluar mengundi mengikut kelapangan masa dari **pukul 7.30 pagi hingga 5.30 petang ATAU mengikut waktu Pusat Mengundi yang diwartakan.**
7. Pengundi juga diingatkan supaya membawa **kad pengenalan** dan **catatan maklumat pengundian** serta menunjukkannya kepada Kerani Pengundian Pertama (KP1) di saluran. Catatan maklumat pengundian itu akan memudahkan Kerani Pengundian membuat semakan nama pengundi serta membantu kelancaran proses pengundian pada Hari Mengundi.
8. Justeru itu, pengundi adalah dinasihatkan untuk membuat **semakan awal maklumat pengundian** untuk mengetahui **maklumat pusat mengundi, saluran mengundi dan nombor bilangan** mereka melalui portal semakan di pautan **<https://mysprsemak.spr.gov.my>** atau hubungi **Hotline SPR di talian 03-8892 7018** atau melalui aplikasi **MySPR Semak**.

9. Pengundi diingatkan supaya **tidak menyerahkan kad pengenalan** mereka kepada **pihak lain selain daripada petugas pilihan raya**.
10. SPR juga ingin mengingatkan para **majikan supaya membenarkan tempoh yang munasabah kepada pekerja** mereka yang berdaftar sebagai pemilih untuk keluar mengundi pada PRK Parlimen P.187 Kinabatangan dan PRK Dewan Undangan N.58 Lamag, Sabah **pada 24 Januari 2026 (Sabtu)** sebagaimana diperuntukkan di bawah **Akta Kesalahan Pilihan Raya 1954**.

TAMAT TEMPOH RASMI BERKEMPEN

11. SPR sekali lagi mengingatkan semua pihak yang bertanding bahawa tempoh rasmi berkempen PRK Parlimen P.187 Kinabatangan dan PRK Dewan Undangan N.58 Lamag, Sabah akan tamat pada pukul **11.59 malam, 23 Januari 2026 (Jumaat)**.
12. Selepas tempoh itu berakhir, semua pihak hendaklah menghentikan sebarang bentuk aktiviti berkempen termasuk aktiviti merayu undi termasuklah di luar Pusat Mengundi dan juga melalui saluran media sosial seperti *Facebook, X, Instagram, TikTok, Threads* dan lain-lain.
13. SPR juga mengingatkan bahawa semua parti atau calon bertanding adalah **dilarang untuk membuka, membina atau menyelenggara barung pada Hari Mengundi** kerana perkara tersebut merupakan satu kesalahan di bawah **Akta Kesalahan Pilihan Raya 1954**.
14. Semua calon diingatkan untuk membersihkan bahan-bahan kempen yang telah diletakkan/dipamerkan sepanjang tempoh berkempen dalam masa yang telah ditetapkan dibawah **Akta Kesalahan Pilihan**

Raya 1954 dan undang-undang kecil pihak berkuasa tempatan.

LARANGAN PENGGUNAAN TELEFON BIMBIT DI TEMPAT MENGUNDI (SALURAN)

15. SPR mengingatkan kepada semua pengundi bahawa **penggunaan telefon bimbit** di tempat mengundi (saluran) adalah **tidak dibenarkan**. Sebagai peringatan, notis atau poster larangan penggunaan telefon bimbit akan diletakkan di luar dan di dalam tempat mengundi.
16. SPR turut menetapkan bahawa pengundi yang membawa telefon bimbit ke tempat mengundi perlu **meletakkan telefon bimbit di tempat yang telah disediakan setelah menerima kertas undi dan mengambilnya semula setelah selesai mengundi**.
17. Pelaksanaan tatacara pengundian yang baharu ini boleh dirujuk menerusi poster **Tatacara 10 Langkah Pengundian** yang menjelaskan proses pengundian sepenuhnya. Pengundi juga diingatkan agar sentiasa menjaga kerahsiaan undi masing-masing.

MEMAKAI BAJU ATAU MEMBAWA *MATERIAL* BERSIMBOL PARTI ATAU BERUNSUR KEMPEN CALON

18. Semua pengundi, calon dan petugas yang ingin memasuki Pusat Mengundi pada Hari Mengundi **dilarang memakai baju / topi / pelitup separuh muka (facemask) atau membawa material yang mempunyai nama / lambang/ simbol / gambar parti atau calon yang bertanding atau apa-apa bahan kempen serta sebarang *tagline* atau slogan kempen yang menjurus atau membawa maksud sokongan atau cenderung kepada mana-mana fahaman**

politik. Kegagalan pengundi mematuhi atau melanggar peruntukan yang ditetapkan boleh menyebabkan pengundi dilarang dari memasuki Pusat Mengundi oleh petugas pilihan raya.

19. SPR berharap semua pihak mematuhi undang-undang, peraturan dan etika pilihan raya bagi memastikan kelancaran proses pilihan raya serta tidak menggugat ketenteraman awam. Sebarang pelanggaran undang-undang yang berkaitan boleh dikenakan tindakan.

Sekian, terima kasih.

DATUK KHAIRUL SHAHRIL BIN IDRUS

Setiausaha

Suruhanjaya Pilihan Raya Malaysia

23 Januari 2026 / 4 Syaaban 1447H